

# 3 UYOHANE 3 JOHN

1

## ISAHLUKO 1

- I**ndoda enkulu ibhalela uGayo oyintanda, endimthandayo mna ngenyaniso: ithi,
- <sup>2</sup> Ntanda, ndinga ungathi ngezinto zonke usikeleleke uphile, njengokuba usikelelekile umphefumlo wakho.
- <sup>3</sup> Kuba ndavuya kunene, bakufika abazalwana, bangqina ngenyaniso ekuwe, njengokuba wena uhamba enyanisweni.
- <sup>4</sup> Andinaluvuyo lungaphezu kolu, lokuba ndive ukuba abantwana bam bahamba enyanisweni.
- <sup>5</sup> Ntanda, wenza okuthembekileyo, oko sukuba ukwenzela abazalwana nabasemzini,
- <sup>6</sup> abalungqineleyo uthando lwakho phambi kwebandla; owothi ukuba ubaxhobisele indlela ngokufanele uThixo, ube uyatyapha;
- <sup>7</sup> kuba baphuma ngenxa yegama lakhe, bengathabathanga nto kuzo iintlanga.
- <sup>8</sup> Thina ngoko sifanele ukubaxhasa abanjalo, ukuze sibe ngabasebenzisana nabo kuyo inyaniso.
- <sup>9</sup> Ndalibhalela ibandla; ke usuke lowo uthanda ukuzenza mkhulu kubo, uDiyotrefe, angasamkeli.
- <sup>10</sup> Ngenxa yoko, ukuba ndithe ndafika, ndomkhumbuza imisebenzi yakhe ayenzayo, ephololoza ngathi ngamazwi angendawo; enganeli koko, usuka angabamkeli abazalwana ngokwakhe, abalele abanga bangenjenjalo, abakhuphe ebandleni.
- <sup>11</sup> Ntanda, musa ukulandela okubi, landela okulungileyo. Lowo wenza okulungileyo ungokaThixo; ke lowo wenza okubi akambonanga uThixo.
- <sup>12</sup> UDemetriyo ungqinelwe ngabo bonke, nayiyo inyaniso; nathi ke siyangqina; niyazi ukuba ubungqina bethu buyinene.
- <sup>13</sup> Ndandinezinto ezininzi endingazibhalayo, kodwa andithandanga kuzibhala ngainki nangalusiba;
- <sup>14</sup> ndiyathemba ke ukuba ndokubona kwakufuphi nje, sithethe ngomlomo. Uxolo malube kuwe. Ziyakubulisa izihlobo. Zibulise izihlobo ngegama. Amen.

For other languages please go to [www.wordproject.org](http://www.wordproject.org)